

王慎轩记：前方服二剂，此方服六剂，现已复原矣。

曹颖甫曰：此亦慎轩代诊效方。

128. 阳虚

胡右

脉迟细而频，胁痛背寒，手足冷，吐黑血，短气，此为内有瘀血，元阳大衰，宜壮阳化瘀。

生附块二钱	炙潞党二钱	紫桂心一钱
茜草炭一钱半	藏红花三钱	桃仁泥三钱
牛膝炭一钱	十灰丸二钱	

吐黑血已止，唯阳气未回，手足厥冷，新血未复，夜不成寐，今当壮阳和血。

生附块二钱	炙潞党三钱	生白术三钱
炮姜炭一钱	全当归三钱	炙远志一钱半
广木香一钱	酸枣仁三钱	龙眼肉十枚

夜已得睡，胁痛亦止，但背寒短气，手足厥冷，六脉若无，头眩欲厥，急当回阳。

生附块五钱	鹿角五钱	紫桂心一钱
参三七二钱	生潞党四钱	全当归三钱
生白术三钱	淡干姜二钱	炙甘草二钱
朱茯神三钱		

大进温经回阳，厥逆已回，头眩亦止，但背尚恶寒，口渴不引饮，气短神疲，脉亦未起，此属太阳水津不布，宜桂枝加附子汤主之。

川桂枝三钱	生附块四钱	生白芍二钱
生潞党四钱	煨葛根五钱	泽泻三钱
炙甘草二钱	红枣十二枚	生姜一小块
葱二十支(去头尾)		

服前药，脉已复，背已温，口亦不渴，唯气尚短，四肢无力，当予健脾。